



Vahbainhaj: Bineix dwg Cunghgoz Gungcanjdangj laebbaenz 100 hopbi. 100 bi ndwenngoenz doxbae, 100 bi yaep da couh gvaq, vih goenghoh Cunghgoz Gungcanjdangj laebbaenz 100 hopbi, geiq maenh gij sawjmingh caeuq simnduj, swnciep gij giyhinh hoengznding, Gvangjsih Minzczuz Bau caeuq Gvangjsih Bouxcuengh Swcigih Gyauyuzdingh doxyien banh aen cwnghvwnz hozdung aeu Sawcuengh sij, cawjdaez heuhguh “geiq maenh aencingz aendangj, riengz aendangj yamq bae”, doeklaeng menhmenh fat gij faenzcieng ndei, caeuq daihgya caez dauqngex gij lizsij ronghlwenq aendangj, caez roxnyinh gij hungmbwk ronghgywg aendangj.

Aencingz Dangj, Gangj Mbouj Caenh

党的恩情说不完

□ Guj Gyah Ganh Vwnzswng / 古佳 甘文胜

Gungcanjdangj hwnjdaej,
Raeuz raen ndei lailai,
Ciuq banneix seizdaih,
Bouxbox simhai swenj.

Miz liux gungcanjdangj,
Raeuz cij angq baenzlai,
De gouq le vunzlai,
Lij daiq raeuz fatcaiz.

Gaxgonq guh gwzming,
Saehcingz mbouj yungzheih,
Gvaq geijlai gumzgamx,
Cij hamj daengz ngoenzneix.

Gaijfang caetcib bei(bi),
Ngoenz beij ngoenz bienq moq,
Cam bouxgeq hix rox,
Gungzhoj sanq liux caez.

Daengz gaijgwz hailangh,
Dangj raeuz hengz ndaej ndei,
Bouxgungz bienq bouxmeiz(miz),
Ngoenz ndei doengzcaez gvaq.

Gungcanjdangj lumj boh,
Vix bouxhoj byaij roen,
Bouxbox cungj miz gwn,
Roen siujganhg daeuj daengz.

Lumj dieg raeuz Gvangjsih,
Di he cungj mbouj ca,
Gizgiz lumj suenva,
Daihgya bouxboux angq.

Roen seiqlengq caez doeng,
Hwnj roengz mbouj yungh deq,
Hojceh bienq gauhdez,
Doxgveq lumj moed raih.

Seiqlengq caez ranzlaeuz,
Bouxbox cungj rox cau,
Mbouj dwg gangj vah fauh,
Ranz mbanj lumj ndaw singz.

Ndaw mbanj lumj gwnz haw,
Doxdax guh ranz gvangq,

Aenaen ndongqranrang,
Haucan can lumj ngaenz.

Lwngyez haeuj hag youq,
Gouj bi mbouj gyau ngaenz,
Boux ranz gungz daeuj daengz,
Lij bouj ndaej ngaenz gwn.

Boux ndaem duh ndaem haeux,
Mbouj nab liengz saek gaen,
Mboujdanh soengq haeuxfaen,
Lij bouj ngaenz dwkdaeh.

Mbanjmbanj cungj doeng dien,
Mbouj caiq diemj youzdaeng,
Caih haemhlaep daeuj daengz,
Ndae j daemj baengz guh siuq.

Gaxgonq gwn raemxdaemz,
Haemz soemj lumj gwn meiq,
Seiz miz swlaizsuij,
Mbouj heiq(you) raemx mbouj cingh.

Miz bingh couh bae yw,
Mbouj gai cwz gai vaiz,
Yihbauj caen ndei lai,
Yaek dai hix mbouj heiq.

Bouxgeq loegcib bi,
Ndwenndwen miz ngaenz soengq,
Daxbuz caeuq daxgoeng,
Gwn daenj soengswdswd.

Raeuz miz gwn miz daenj,
Baengh dangj soengq aencingz,
Dangj miz ei q miz sim,
Lwgminz angq gvaq ciuh.

Aencingz gungcanjdangj,
Yied gangj yied miz lai,
Guekcoj bienqvaq daih,
Nai mbouj liux mbouj caenh.

Gij Gangjvah Siz Ginbingz Youq Gvangjsih Gaujcaz Diuyenz

习近平在广西考察调研金句

1. Gaijfang swhsiengj、gylaeg gaijgwz、gietsim gaprengz、dangrap guhsaed, hwnqguh Guengsae gyaunde i Sevei Cuiji miz daegsaek Cungguek seizdaih moq.

解放思想、深化改革、凝心聚力、担当实干,建设新时代中国特色社会主义壮美广西。

2. Youq doidoengh dieg minzczuz henzguck hwnghat caetliengh sang fuengmienh roemx ok roenloh moq, youq fugsach caeuq yungzhaeuj gwzgis hwnghat moq fuengmienh baijok cingzci moq, youq doidoengh hwnghat saekheu fuengmienh byaij ok yamqdin moq, youq gyamaenh hwnghat minzczuz doxgiet、aenbiengz onjdingh、henzguck andingh fuengmienh yienh' ok dangrap moq, hwnqguh Guengsae gyaunde i Sevei Cuiji miz daegsaek Cungguek seizdaih moq.

在推动边疆民族地区高质量发展上闯出新路子,在服务和融入新发展格局上展现新作为,在推动绿色发展上迈出新步伐,在巩固发展民族团结、社会稳定、边疆安宁上彰显新担当,建设新时代中国特色社会主义壮美广西。

3. Gveilinz dwg aen singz lijyouz okmingz bya raemx lajmbwn ceiq ndei, neix dwg dieg dijbauj daswyenz soengqhawj Cunghvaz Minzczuz, itdingh aeu henhoh ndei.

桂林是一座山水甲天下的旅游名城,这是大自然赐予中华民族的一块宝地,一定要呵护好。

4. Gak minzczuz doengzcaez doxgiet baenaj、doengzcaez mwnhoengh hwnghat dwg gizyouq sengmingh、ligliengh、maqmuengh Cunghvaz Minzczuz.

各民族共同团结进步、共同繁荣发展是中华民族的生命所在、力量所在、希望所在。

5. Gwzming lijsiengj sang gvaq mbwn, gij feiz lijsiengj saenqniemh baez diemj dawz couh mizok ligliengh cingsaenz hungloet.

革命理想高于天,理想信念之火一经点燃就会产生巨大的精神力量。

6. Saenqyiengj、saenqniemh、saenqsim dwg ywfuengznaeuh ceiq ndei.

信仰、信念、信心是最好的防腐剂。

7. Doidoengh canjnieb lajmbanj hwnghat hungcoek, hawj vunzguhnaz engq lai faenyiengj gij souik gyaciz demlai canjnieb.

推动乡村产业发展壮大,让农民更多分享产业增值收益。

8. Hawj vunz lai saedceij vuenyungz dwg “saeh hung guekgya”. 让人民生活幸福是“国之大者”。

9. Aeu laeb caezcienz gij cidu aenbiengz baujcaang couhnieb lingzvued lai roenloh, henhoh ndei gienzik habfap bouxhaici gajceh、bouxvaiqsoengq、boux soengq huqgai.

要完善多渠道灵活就业的社会保障制度,维护好卡车司机、快递小哥、外卖配送员等的合法权益。

10. Aeu yawjnaek hag gohyoz gisuz, yungh cihsiz dak hwnj lajmbanj saenqhwngh.

要注重学习科学技术,用知识托起乡村振兴。

11. Hangzdajcauh hwnghat caetliengh sang dwg gij ceiq youqgaenj ginghci guek raeuz hwnghat caetliengh sang.

制造业高质量发展是我国经济高质量发展的重中之重。

(Gvangjsih Minzczuz Yijvwnz Yenzgiu Cunghsinh gunghawj 广西民族语文研究中心提供)

